

Sultan Brunei Rasmi Festival Sandakan Ke-12
Bernamea
3 Mac, 2012

SANDAKAN, 3 Mac (Bernama) -- Festival Sandakan edisi ke-12 pada tahun ini mencatatkan sejarah apabila Sultan Brunei Sultan Hassanal Bolkiah berangkat merasmikan acara itu di Padang Bandaran di sini, Sabtu malam.

Penghormatan tersebut diberikan sempena lawatan kerja dua hari oleh baginda ke daerah ini.

Ketua Menteri Datuk Seri Musa Aman ketika berucap pada majlis itu berkata keberangkatan baginda ke majlis itu mencatatkan satu peristiwa yang penuh bersejarah bagi masyarakat di daerah Sandakan.

Beliau berkata lawatan baginda ke negeri itu akan mengukuhkan lagi hubungan dua hala yang sedia erat serta mengeratkan lagi silaturahim dan semangat persaudaraan di antara rakyat kedua-dua negara.

Mengenai Festival Sandakan itu, Musa berkata ia mula diperkenalkan pada 2000 dan telah berjaya menjadi pemangkin kepada pertumbuhan ekonomi dan kemajuan daerah Sandakan dan negeri Sabah.

---BERNAMA

Hakcipta © 2012 BERNAMA

Source: <http://www.bernama.com/bernama/v6/bm/newsindex.php?id=649759>